



RESUMO DA XUNTA DE GOBERNO LOCAL EXTRAORDINARIA E URGENTE DO 16 DE SETEMBRO DE 2022

1. ASISTENCIA AO PLENO. Referencia: 2022/00042063G.

Ratificación da urxencia da convocatoria.

Ratifícase a urxencia da convocatoria.

2. OFICINA ORZAMENTARIA E CONTABILIDADE. Referencia: 2022-CREXT-14.

Proposta da concelleira delegada de economía e facenda de aprobación do expediente de crédito extraordinario nº 2022-CREXT-14 de importe 44.331,11 euros, financiado co remanente líquido de tesourería para gastos xerais do concello do exercicio 2021, levantamento de reparos de competencia plenaria e o recoñecemento extraxudicial de créditos para aprobar unha parte dos gastos rexistrados na conta 413 por importe de 54,660,62 euros.

Acórdase:

PRIMEIRO: Dispor de CORENTA E CATRO MIL CATROCENTOS TRECENTOS TRINTA E UN EUROS, ONCE CÉNTIMOS DE EURO (44.331,11 EUROS) do saldo reservado na actualidade do RLTX 2021 por importe de UN MILLÓN SETECENTOS SEIS UN MIL CINCOCENTOS CINCUENTA E TRES EUROS, CON SETENTA CÉNTIMOS DE EURO (1.706.553,60 EUROS) cuxo acordo se tomou ao abeiro do expediente 2022-CREXT-03 para atender o saldo restante de OPAS que permita a cancelación da totalidade da conta 413 e o importe daqueles cargos domiciliados nas contas bancarias municipais realizadas no ano 2021 que se corresponden con domiciliacións de gastos de combustible e peaxes, importe que xa foi minorado con motivo da aprobación do expediente de crédito extraordinario 2022-CREXT-07 nun importe de 1.362.427,86 euros, pola proposta de acordo plenario de crédito extraordinario 2022-CREXT-11 de importe 603.436,46 euros, por 44.331,11 euros con motivo da aprobación do expediente 2022-CREXT-12 e 110.290,79 euros con motivo da proposta de aprobación do expediente 2022-CREXT-13.

SEGUNDO: aprobar inicialmente o expediente de crédito extraordinario nº 2022-CREXT-14 para atender as obrigas pendentes de aplicar ao orzamento do exercicio 2021 correspondentes ao Concello de Santiago de Compostela, por importe de CORENTA E CATRO MIL TRECENTOS TRINTA E UN EUROS, ONCE CÉNTIMOS DE EURO (44.331,11 EUROS) financiado na súa totalidade con remanente líquido de tesourería para gastos xerais do concello do exercicio 2021.

TERCEIRO: Na tramitación deste expediente de crédito extraordinario nº 2022-CREXT-14 serán de aplicación as normas sobre información, reclamacións e publicidade aplicables á aprobación dos orzamentos da entidade a que se refiren os artigos 20 e 22 do RD 500/1990 e 169 do TRLRFL (artigo 38.2 do RD 500/1990), polo que este expediente se exporá ao público durante quince días hábiles de acordo co establecido no artigo 38 do RD 500/1990, en relación co artigo 169 do TRLRFL.

CUARTO: Elevar automaticamente a definitivo o expediente inicialmente aprobado de crédito extraordinario nº 2022-CREXT-14, se contra el non se formulase ningunha reclamación,

procedéndose á publicación do resumo por capítulos do orzamento municipal coa modificación aprobada no Boletín Oficial da Provincia e no taboleiro de anuncios do Concello, remitindo copia á Administración do Estado e da Comunidade Autónoma.

QUINTO: Igualmente, seranlle aplicables a este expediente de crédito extraordinario 2022-CREXT-14 as normas referentes aos recursos contencioso-administrativos contra os orzamentos da entidade a que se refiren os artigos 23 do RD 500/1990 e 171 do TRLRFL.

SEXTO: Levantamento do reparo e continuación do procedemento de aprobación do recoñecemento extraxudicial de crédito das facturas, condicionando a eficacia deste acordo á entrada en vigor do expediente de modificación orzamentaria por crédito extraordinario nº 2022-CREXT-14.

SÉTIMO: Recoñecer extraxudicialmente as obrigas derivadas da aprobación das facturas recollidas no listado anexo nº I que forma parte deste expediente reflectidas na conta 413 a 31.12.2021 por importe total de 54.660,62 euros e aprobar unha indemnización substitutiva a favor dos terceiros que figuran na referida relación polos importes correspondentes a cada un deles derivados das prestacións efectuadas a esta Administración municipal e documentadas nos xustificantes de gasto emitidos, con imputación ás aplicacións orzamentarias cuxa habilitación se propón, condicionando a eficacia deste acordo, no que atinxe ás facturas afectadas polo crédito extraordinario, á entrada en vigor do expediente de modificación orzamentaria por crédito extraordinario nº 2022-CREXT-14.

3. BIODIVERSIDADE E EDUCACIÓN AMBIENTAL. Referencia: 2022/41941W solicitude axudas.

Aprobación da solicitude de axudas convocadas pola Consellería de Medio Ambiente, Territorio e Vivenda para actuacións encamiñadas á protección dos animais domésticos de compañía abandonados en Galicia (código de procedemento MT811A). ano 2022.

Acórdase solicitar a axuda obxecto da convocatoria realizada pola Consellería de Medio Ambiente, Territorio e Vivenda, en réxime de concorrencia competitiva, para actuacións encamiñadas á protección dos animais domésticos de compañía abandonados en Galicia para o ano 2021 destinadas ás entidades locais (código de procedemento MT811A).

O importe máximo da axuda, que se podería obter por un cálculo estimativo dos criterios indicados no artigo 6.1 da orde do 07 de decembro de 2021, procedemento MT811A publicado no DOGA do 22/decembro/2021, é de 37.010,00 €.

4. DEPORTES. Referencia: 2021/00051690K.

Xustificación do convenio de colaboración asinado entre o Concello de Santiago e a Obradoiro Club de Amigos Baloncesto SAD para o ano 2021.

Apróbase a xustificación presentada polo OBRADOIRO CLUB DE AMIGOS BALONCESTO SAD do convenio de colaboración asinado co Concello, ano 2021, sendo a cantidade a abonar de 120.000 €, imputándose dito gasto á aplicación orzamentaria 090 34100 4790001.

5. DEPORTES. Referencia: 2021/00051589N.

Xustificación do convenio de colaboración asinado entre o Concello de Santiago e o Club Ciclista Compostelano para o ano 2021.

Apróbase a xustificación presentada polo CLUB CICLISTA COMPOSTELANO, do convenio de colaboración asinado co Concello de Santiago ano 2021, sendo a cantidade a abonar de 6.000 €, imputándose dito gasto á aplicación orzamentaria 090 34100 4890008.

6. DEPORTES. Referencia: 2021/00051634B.

Xustificación do convenio de colaboración asinado entre o Concello de Santiago e a Asociación Special Olympics Galicia para o ano 2021.

Apróbase a xustificación presentada pola Asociación de padres, profesionais e amigos de persoas con discapacidade intelectual "SPECIAL OLYMPICS GALICIA" do convenio de colaboración asinado co Concello de Santiago, ano 2021, sendo a cantidade a abonar de 3.500 €, imputándose dito gasto á aplicación orzamentaria 090 34100 4890004